

GJALDSKRÁ

fyrir almenna sorphirðu og förgun úrgangs frá fyrirtækjum í Hörgárbyggð.

1. gr.

Sveitarstjórn Hörgárbyggðar hefur ákveðið, sbr. heimild í samþykkt um sorphirðu sveitarfélaga á Norðurlandi eystra nr. 541/2000, að leggja á sorphreinsi- og sorpeyðingargjald árlega í sveitarfélaginu. Gjaldið skal innheimt með fasteignagjöldum.

Sorpgjald á íbúðir, árgjald kr. 10.000.

2. gr.

Sveitarstjórn Hörgárbyggðar hefur ákveðið að gjald vegna förgunar úrgangs frá fyrirtækjum verði kr. 3,10 pr. kg án virðisaukaskatts.

3. gr.

Gjaldskrá þessi sem var samþykkt í sveitarstjórn Hörgárbyggðar 24. nóvember 2004 og 16. febrúar 2005 er sett samkvæmt ákvæði 25. gr. laga um hollustuhætti og mengunarvarnir nr. 7/1998 með síðari breytingum. Gjaldskráin tekur þegar gildi og kemur í stað gjaldskrár sama efnis frá 2004.

Hörgárbyggð, 19. febrúar 2005.

Helga A. Erlingsdóttir sveitarstjóri.

AUGLÝSING

um deiliskipulag í Sveitarfélaginu Árborg.

Deiliskipulag lóðarinnar Austurvegur 69 á Selfossi.

Í samræmi við skipulags- og byggingarlög nr. 73/1997, með síðari breytingum hefur bæjarstjórn Sveitarfélagsins Árborgar samþykkt þann 9. febrúar 2005 tillögu að deiliskipulagi fyrir lóðina Austurvegur 69 á Selfossi í Sveitarfélaginu Árborg.

Tillagan var sett fram í mkv. 1:1000 þann 10. mars 2004 og auglýst í samræmi við 25. gr. skipulags- og byggingarlaga nr. 73/1997, með síðari breytingum, frá 25. júní til og með 23. júlí 2004 með athugasemdafresti til og með 6. ágúst 2004.

Uppdráttur og greinargerð fyrir tillöguna hefur hlotið þá meðferð sem skipulags- og byggingarlög mæla fyrir um.

Deiliskipulagið tekur þegar gildi.

Selfossi, 7. mars 2005.

Grétar Zóphaníasson, fulltrúi á skipulags- og byggingardeild.